

Հայրապետի՝ Տեառն Աղեքսանդրի՝ սքան-
 չեւահոշակ Փափի. Յակոբ նուստս ծառայ
 Յիսուսի Քրիստոսի եւ շնորհօք Նորին Կա-
 թողիկոս ամենայն Հայկազունեաց տոհմի:
 Զի Քրիստոսէ աւանդեալ ողջոյնն առաքեմ
 էրբու գրով բայց նուիրեմ ճշմարտապարզեւ
 սիրով, իմովք եզրիակոպոսական դասուք եւ
 համայն տեառնավիճակ պաշտօնէիւք, որոց
 ի միասին բողոքատահման ուխտականօք, եւ
 միահաղոյն հօտիւք, զվայելչական անձին
 ընծայումն խոնարհական զիմօք հատուցուք
 նախապատիւ Տէրութեանդ քում, ուղղասէր
 մտօք, ըզձապատում սրտիւ, յօժարատենչ
 կամօք. ըստ որում Քրիստոսի պատուիրա-
 նին, եւ աշակերտացս նորոյ կտակի պահան-
 ջի. եւ որպէս պատկեր եւ տեսակ՝ ճշմար-
 տութեանն ունողացս ցուցանի: Գիտացէ
 մեծանձնութիւն ձեր՝ զի լուեալ մեր վստն
 թագաւորաց քրիստոնէից խազադութեան եւ
 ընդ միմիանս հաշտութեան, կարի մեծ ու-
 ըսխութիւն եղեւ սրտից մերոց, եւ դոհու-
 թիւն մատուցաք յարեւարին Աստուծոյ:
 Քանզի զոր ինչ ի վաղուց հետէ փոխաբէաք,
 եւ ուխտիւք զԱստուած ազաչէաք, գայս
 այժմ ականջօք իսկ մերով լսեմք, եւ աչօք
 տեսանեմք. զի քրիստոսասէր թագաւորքն՝
 ջանիւ եւ միջնորդութեամբ Սրբութեանդ
 ձերոյ ընդ միմիանս հաշտեցան: Եւ հաւատ-
 տի զիտեմք՝ թէ այսու առաւել բարձրացի
 եղջիւր Կաթողիկէ Եկեղեցւոյ: Եւ որ մին-
 չեւ ցայսօր մաքուր Հարսն Քրիստոսի զուգ
 զգեցեալ տխրէր՝ վստն անմիաբանութեան
 եւ խռովութեան քրիստոնէից, այժմ զուար-